

新疆發現古物概要

黃文弼

余於民國十六年四月赴甘新一帶考查古蹟古物遊歷南疆一週計三年零六越月於十九年秋返平其採掘之古物已先後運歸現方從事整理並編印出版以供學者之研究茲先將品類畧述於後

一木簡

此爲十九年春在羅布淖爾古址中所發現者其地古爲烽燧台遺址其烽火之具猶存木簡卽在台之破房及附近枯葦堆集中所掘拾者殘整共約數十百枚整者長營造尺八寸寬三分有隸書有草書蓋當時書字尙不用紙凡公文函牘均削木爲之有首端作孔及缺口處疑爲當時繫繩之用